



Broj: 18.1.2-02.4-3-5/23
Sarajevo, 22.02.2023. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik Bosne i Hercegovine“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik Bosne i Hercegovine“, br. 94/14), Služba za poslove sa strancima, podnosi

IZVJEŠTAJ O RADU SLUŽBE ZA POSLOVE SA STRANCIMA ZA 2022. GODINU

I – UVOD

Služba za poslove sa strancima (u daljem tekstu: Služba) je tokom 2022. godine u okviru svojih nadležnosti preduzimala sve potrebne mjere i radnje u cilju efikasnijeg upravljanja migracijama, a samim tim i stvaranja bolje ukupne sigurnosne situacije u Bosni i Hercegovini.

✓ *Preduzete aktivnosti kod ovjera pozivnih pisama i davanja saglasnosti za izdavanje viza tip „D“*

U ovom izvještajnom periodu u procedurama rješavanja po zahtjevima za ovjeru pozivnih pisama na osnovu kojih su stranci pribavljaju vize za ulazak i boravak stranih državljana u Bosni i Hercegovini, ukupno je **ovjereno 4.721 pozivno pismo**. U istom izvještajnom periodu Služba je preduzimajući preventivne aktivnosti zbog uočenih pokušaja neregularnih migracija i u cilju davanja doprinosa zaštiti sigurnosnog sistema **odbila 300 zahtjeva za ovjeru pozivnog pisma za strane državljane koji dolaze iz migraciono visoko rizičnih zemalja**.

Zakonom je predviđeno da Služba po zahtjevu Ministarstva inostranih poslova Bosne i Hercegovine daje prethodnu saglasnost za izdavanje viza za dugoročni boravak - viza tipa „D“ na osnovu koje stranci mogu podnijeti zahtjev za odobrenje privremenog boravka u Bosni i Hercegovini. Nadograđena je i pospješena postojeća procedura kod izdavanja viza tipa „D“ – dugoročnih viza za boravak u zemlji, kao veoma važnog Shengenskog pravila, na način da u propisanom roku i uz sve izvršene potrebne provjere izdajemo saglasnost za izdavanje viza „D“, isključivo na osnovu kojih stranci nakon ulaska u zemlju mogu aplicirati za dugoročni boravak. Služba je u ovom periodu postupajući po zahtjevima Ministarstva inostranih poslova Bosne i Hercegovine za davanje saglasnosti u postupku izdavanja **vize tipa „D“, u 1.391 slučaju dala saglasnost za izdavanje vize tipa „D“**. Također, tokom 2022. godine od strane Službe za poslove sa strancima uočene su odgovarajuće nepravilnosti, te zbog neispunjavanja uslova nije data saglasnost za **izdavanje 22 vize tipa „D“**.

Služba je postupajući po zahtjevima Diplomatsko konzularnih predstavništava Bosne i Hercegovine i Granične policije Bosne i Hercegovine (viza na granici) u postupcima izdavanja vize izvršila provjere u bazi bazi „ROS“-a i drugim raspoloživim bazama podataka za **22.097 lica**. U određenim slučajevima Služba za poslove sa strancima je izrazila sumnju da bi se moglo raditi o neregularnim migracijama, zbog čega su od strane inspektora za strance vršene dodatne operativne provjere na terenu sa ciljem utvrđivanja osnovanosti podnesenih zahtjeva. U vezi sa naprijed navedenim od strane Službe za poslove sa strancima su tokom ovog izvještajnog perioda izvršene provjere za **160 lica**. Prilikom vršenja naprijed navedenih provjera na terenu od strane inspektora za strance u više slučajeva je utvrđeno da strani državljani nemaju rezervisan smještaj, odnosno uplaćen smještaj ili turističko putovanje koje je u skladu sa Zakonskim uslovima za izdavanje vize. O svim utvrđenim činjenicama i prikupljenim saznanjima pravovremeno su upoznata Diplomatsko konzularna predstavništva Bosne i Hercegovine, kako bi isti mogli raspolagati svim činjenicama u momentu donošenja odluke, što je rezultiralo određenim brojem odbijenih zahtjeva za izdavanje viza. ***Ovakvim pristupom u vršenju svih neophodnih provjera prije izdavanja vize, od strane Službe utvrđene su određene nepravilnosti koje su u velikoj mjeri rezultirale odbijanjem zahtjeva za izdavanje viza za 351 lice od strane DKP Bosne i Hercegovine u svijetu.***

U cilju efikasnijeg upravljanja migracijama kao i zaštite sigurnosnog sistema Bosne i Hercegovine, Služba je o svim utvrđenim činjenicama i prikupljenim saznanjima o pokušajima zloupotrebe putovanja kontinuirano informisala Ministarstvo vanjskih poslova Bosne i Hercegovine radi blagovremenog upoznavanja Diplomatsko konzularnih predstavništava Bosne i Hercegovine i preduzimanja mjera na sprečavanju ilegalnih migracija. Pored provjera kroz bazu Registar određenih stranaca (u daljem tekstu: „ROS“), prilikom rješavanja po zahtjevu stranaka za odobrenje boravka u Bosni i Hercegovini, ovjere pozivnih pisama kao i ostalih postupaka koje provodi Služba, za lica koja dolaze iz zemalja sa visokim stepenom ilegalnih migracija, za lica kojima je od strane Državne komisije za reviziju odluka o naturalizaciji stranih državljana u Bosni i Hercegovini oduzeto državljanstvo Bosne i Hercegovine kao i sva druga lica prema procjeni, Služba u skladu sa članom 8. stav 4. Zakona o strancima vrši sigurnosnu provjeru za stranca, u svrhu utvrđivanja razloga sigurnosti Bosne i Hercegovine, koju provodi Obavještajno - sigurnosna agencija Bosne i Hercegovine.

Služba je po zahtjevima Diplomatsko konzularnih predstavništava Bosne i Hercegovine i terenskih centara, od ***Obavještajno sigurnosne agencije Bosne i Hercegovine i drugih sigurnosnih agencija zatražila 3.062 sigurnosne provjere za 5.389 stranih državljana*** u postupcima ovjere pozivnih pisama, izdavanja viza, te odobrenja/produženja privremenog i odobrenja stalnog boravka, sve s ciljem davanja doprinosa zaštiti ukupnog sigurnosnog sistema Bosne i Hercegovine, kao i borbi protiv terorizma i svih vidova neregularnih migracija.

✓ Boravak stranaca

Rješavajući po zahtjevima za odobrenje - produženje privremenog boravka u ovom izvještajnom periodu privremeni boravak je ***odobren u 4.944 slučajeva i produžen u 6.244 slučaju***, što ukupno iznosi ***11.188*** odobrenih - produženih privremenih boravaka. U periodu od 01.01 do 31.12.2022. godine ukupno je obrađeno ***409*** zahtjeva za odobrenje stalnog boravka (*u navedenom broju uračunati su zahtjevi za odobrenje stalnog boravka, kao i izmjene rješenja već odobrenog stalnog boravka*), od čega je u ***390*** slučajeva isti odobren, dok su ***3*** zahtjeva odbijena, ***16*** zahtjeva je obustavljeno.

U cilju sagledavanja svih neophodnih činjenica koje mogu uticati na rješavanje po zahtjevima stranaka za odobrenje stalnog boravka, date su smjernice prema terenskim centrima, koje se primjenjuju u kontinuitetu da se prije rješavanja po zahtjevu, vrše sve preventivne sigurnosne provjere kod drugih agencija (OSA i SIPA). Ovim postupkom je napravljen potpuniji i sigurniji način za vršenje provjera i utvrđivanje svih neophodnih činjenica za svakog stranog državljanina prije nego se odobri stalni boravak takvom licu, jer je privilegija stalnog boravka isto tako veoma značajna kao i prijem u državljanstvo Bosne i Hercegovine, čime se daje značajan doprinos na ovaj način i zaštiti sigurnosnog sistema Bosne i Hercegovine. Isto tako i u procedurama dobijanja državljanstava nadležna policijska tijela prije rješavanja po navedenim zahtjevima također vrše sveobuhvatne provjere za lica koja podnose zahtjeve za prijem u državljanstvo BiH.

✓ *Potvrde o izraženoj namjeri za azil*

U periodu od 01.01. do 31.12.2022. godine **25.709 lica** je iskazalo namjeru za azil. Služba je u postupcima izražavanja namjere za azil u terenskim i privremenim prihvatnim centrima vršila registraciju ovih lica, kojom prilikom su od istih uzimani biometrijski podaci, fotografisani su, a nakon navedenog inspektori za strance su u razgovoru sa istima prikupljali operativne podake, koji su razmjenjivani za ostalim agencijama za sprovedbu zakona u Bosni i Hercegovini.

✓ *Inspeksijske kontrole inspektora za strance*

Inspektori za strance su vršili inspeksijske kontrole boravka stranaca u fizičkim i pravnim licima koje pružaju usluge smještaja, turističkim agencijama, obrazovnim institucijama, preduzećima i institucijama u kojima rade stranci po osnovu izdate radne dozvole, preduzećima u kojima su osnivači strani državljani, kontrole adresa stanovanja i promjene adrese stanovanja. Tokom 2022. godine **izvršeno je ukupno 6.218 kontrola i izdato je 2.328 prekršajnih naloga.**

✓ *Operativne provjere u cilju utvrđivanja činjenica o ispunjavanju uslova za ovjeru pozivnih pisama i odobrenje/produženje privremenog i odobrenja stalnog boravka*

Služba je prepoznala i kao važan segment uvela preventivno vršenje operativnih provjera na terenu s ciljem utvrđivanja činjeničnog stanja postojanja osnovanosti podnesenih zahtjeva za ovjeru pozivnih pisama, odobrenje/produženje privremenog boravka, odobrenja stalnog boravka, kontrola već odobrenih boravaka i drugo kao vrlo važan segment u suprotstavljanju neregularnim migracijama, posebno kada govorimo o pokušaju određenih zloupotreba u smislu zasnivanja bračne ili vanbračne zajednice sa državljanima Bosne i Hercegovine iz interesa radi ostvarivanja prava na boravak, zatim i prijema u državljanstvo Bosne i Hercegovine, a takođe i otkrivanja pokušaja regulisanja boravka po osnovu radne dozvole u fiktivnim firmama itd. U ovom izvještajnom periodu inspektori za strance su izvršili ukupno **15.168 operativnih provjera** i tom prilikom su u određenim predmetima utvrđene činjenice da se radi o pokušaju neregularnih migracija i to u **97 slučajeva.**

✓ *Inspeksijske kontrole stranaca sa odobrenim boravkom*

Kao rezultat taktičke procjene terenskih centara o mogućim neregularnostima i zloupotrebama već odobrenih privremenih i stalnih boravaka, vršene su ponovne nenajavljene kontrole inspektora za strance, posebno privremenih boravaka po osnovu braka sa državljanima Bosne i Hercegovine i obrazovanja, kao i stalnih boravaka koje su do sada dale značajne rezultate. Naime, tokom ovog izvještajnog perioda od strane inspektora za strance izvršeno je **1.368** ciljanih inspeksijskih kontrola stranaca sa odobrenim boravkom, prilikom čega je utvrđeno **240 nepravilnosti.**

Bitno je napomenuti da Služba svakodnevno vrši prikupljanje i analizu operativnih saznanja prikupljenih od strane inspektora za strance i iz drugih izvora, putem razmjene informacija s odgovarajućim sigurnosnim organima gdje se na osnovu tako prikupljenih informacija i operativnih saznanja uz odobrenje direktora Službe sačinjavaju Operativni planovi za sprovođenje operativnih akcija. Tokom 2022. godine izvršeno je **5 operativnih akcija** u kojima su učestvovali službenici Službe i to:

- a) Koordinirana zajednička međunarodna operativna akcija „**SEE JAD 2022 WESTERN BALKANS**“, sa drugim sigurnosnim i policijskim agencijama u organizaciji EUROPOL-a, koja predstavlja nastavak aktivnosti u borbi protiv ilegalne trgovine oružjem, kao i drugih krivičnih djela.
- b) Koordinirana zajednička međunarodna operativna akcija „**HOTSPOT MEDITERRANNIEN**“ sa drugim sigurnosnim i policijskim agencijama u organizaciji NCB INTERPOL-a, kao nastavak aktivnosti u borbi protiv terorizma.
- c) **Dvije operativne akcije** planirane u cilju sprovođenja pojačanih mjera i radnji iz nadležnosti Službe, koja je izvršena u saradnji sa OSA-om, Graničnom policijom BiH, kojom prilikom je **pronađeno više lica koja se mogu dovesti u vezu sa krivičnim djelom međunarodne trgovine ljudima na štetu drugih maloljetnih osoba**.
- d) Doprinos Službe sigurnosnom aspektu zbog održavanja javnog skupa povodom obilježavanja 27. godišnjice i ukopa posmrtnih ostataka ekshumiranih i identifikovanih – žrtava genocida u Srebrenici - **“Srebrenica 2022”** u Memorijalnom centru Srebrenica-Potočari.

✓ **Preduzete mjere prema stranim državljanima**

Tokom 2022. godine preduzete su mjere u 3.403 slučaja i to: donešeno je **145** rješenja o otkazu bezviznog boravka, **369** rješenja o otkazu privremenog boravka, **50** rješenja o otkazu stalnog boravka, **1.638** rješenja o protjerivanju stranaca iz Bosne i Hercegovine, **15** rješenja otkaza boravka uz izrečenu mjeru protjerivanja, donešeno je **7** zaključaka o dozvoli izvršenja rješenja o protjerivanju, dok je za **1.179** lica rješenjem određena mjera stavljanja pod nadzor (od čega je **714** lica smješteno u Imigracioni centar, **446** lica smješteno je na blažu mjeru nadzora u PPC, dok je **19** lica iz Imigracionog centra na osnovu prijedloga Sektora za readmisiju, prihvata i smještaj smješteno na blažu mjeru nadzora u PPC).

✓ **Doprinos u borbi protiv terorizma, trgovine ljudima i drugih oblika organizovanog kriminala kroz službenu saradnju**

Imajući u vidu da je međuagencijska saradnja i razmjena informacija preduslov za efikasnu prevenciju kao i borbu protiv terorizma, ilegalnih migracija, krijumčarenja, trgovine ljudima i drugih oblika organizovanog kriminala, Služba je tokom ovog izvještajnog perioda vršila koordinaciju aktivnosti, inicirala i ostvarivala svakodnevnu službenu saradnju sa drugim agencijama koje se bave sprovođenjem zakona na teritoriji Bosne i Hercegovine, Tužilaštvima u Bosni i Hercegovini, međunarodnim i nevladinim organizacijama.

Inspektori za strance naše Službe i drugi ovlašteni službenici, preduzimajući sve potrebne mjere i radnje iz naše nadležnosti, u svom svakodnevnom radu su dolazili do veoma korisnih i u najvećoj mjeri pouzdanih operativnih saznanja o neregularnim migracijama kao i saznanja koja su se mogla dovesti u vezu s krivičnim djelima iz nadležnosti drugih sigurnosnih agencija.

Prikupljena saznanja i informacije su analizirane i procjenjene od strane naših službenika **što je rezultiralo izradom 98 operativnih informacija** koje je Služba blagovremeno dostavljala u nadležnost i postupanje Tužilaštvu Bosne i Hercegovine, Obavještajno-sigurnosnoj agenciji, Državnoj agenciji za istrage i zaštitu, Graničnoj policiji Bosne i Hercegovine, entitetskim Ministarstvima unutrašnjih poslova i drugim agencijama na dalju nadležnost i postupanje i bile su od velikog značaja u otkrivanju i procesuiranju počinilaca krivičnih djela. Ovom prilikom posebno bismo istakli izuzetnu saradnju sa Obavještajno-sigurnosnom agencijom Bosne i Hercegovine, koja se ogleda u skoro svakodnevnoj i pravovremenoj razmjeni informacija i podataka.

✓ **Značajniji rezultati postignuti od strane Službe za poslove sa strancima u 2022 godini**

Na osnovu višemjesečnog rada i prikupljenih operativnih podataka od strane inspektora za strance tokom 2022. godine organizovano je, inicirano i sprovedeno više zajedničkih operativnih akcija inspektora Službe za poslove sa strancima, te pripadnika drugih agencija za sprovedbu zakona u BiH (OSA, SIPA, GP BiH, DKPT, FUP-a, MUP-a RS itd), koje su rezultirale uspješnim pokazateljima i to:

- ✓ **Provodeći aktivnosti u cilju sprječavanja međunarodne trgovine ljudima i seksualne eksploatacije, policijski službenici Granične policije BiH i službenici Službe za poslove sa strancima su postupajući pod nadzorom tužioca Tužilaštva BiH, dana 26. januara 2022. godine u prihvatnim centrima za migrante locirali, a zatim i priveli dvije osobe, državljane Pakistana (iz reda migrantske populacije).**
- ✓ **Dana 24. februara 2022. godine u nastavku akcije sprječavanja međunarodne trgovine ljudima i seksualne eksploatacije, pripadnici Granične policije BiH u suradnji sa Službom za poslove sa strancima a pod nadzorom Tužilaštva BiH, izvršili su pretrase na području Orašja, kojom prilikom je pronađeno nekoliko lica koji su osumnjičeni za krivično djelo međunarodna trgovina ljudima /seksualna eksploatacija/. Prilikom pretresa također je pronađen veći broj mobitela, hladnog oružja, novac, te ostali predmeti koji potiču od izvršenja krivičnog djela, te dokazi da je navedena organizovana grupa na seksualnoj eksploataciji maloljetnih muškaraca dosad zaradila više od 150.000 eura.**
- ✓ **Dana 01. juna 2022. godine policijski službenici Državne agencije za istrage i zaštitu su zajedno sa policijskim službenicima Granične policije Bosne i Hercegovine i Službom za poslove sa strancima, realizirali operativnu AKCIJU „ISTOK – SAN“ na devet lokacija na području Sarajeva i Gradiške. Operativna akcija se odnosila na razbijanje organizirane grupe za krijumčarenja migranata, koja je u prethodnom periodu iz Bosne i Hercegovine u zemlje Evropske unije prokrijumčarila više stotina migranata porijeklom iz Pakistana i Bangladeša. Tom prilikom slobode su lišene dvije osobe zbog postojanja osnova sumnje da su počinile krivična djela „Organiziranje grupe ili udruženje za izvršenje krivičnog djela krijumčarenje migranata,“ i „Krijumčarenje ljudi“, propisana Krivičnim zakonom Bosne i Hercegovine. Tokom realizacije operativne akcije također je ostvarena saradnja sa policijskim organima Republike Hrvatske, Republike Slovenije, Republike Austrije te Europola, kao i sa Obavještajno-sigurnosnom agencijom Bosne i Hercegovine, Ministarstvom unutrašnjih poslova Republike Srpske i Ministarstvom unutrašnjih poslova Kantona Sarajevo.**

Kada je u pitanju razmjena operativnih informacija i saznanja, Služba je tokom 2022. godine također postigla značajne rezultate tokom sprovođenja dvije koordinirane zajedničke međunarodne operativne akcije „**HOTSPOT MEDITARANNIEN**“ i „**SEE JAD 2022 WESTERN BALKANS**“ u saradnji sa drugim sigurnosnim i policijskim agencijama u BiH i međunarodnim partnerima. Naime, tokom višemjesečnih priprema za navedene operativne akcije, kao i tokom trajanja istih, Sektor za operativnu podršku je obradio **19 operativnih informacija** prikupljenih od strane inspektora za strance. Kao rezultat naprijed navedenog jeste razmjena preko **1.034 operativnih podataka (imena i prezimena operativno interesantnih lica, brojeva telefona, fb profila, registarskih oznaka, ruta kretanja, dokumenta itd, hawala sistem itd) a kao prilog navedenim operativnim podacima dostavljeno je 42 fotografije** do kojeg su prilikom preduzimanja mjera i radnji iz svoje nadležnosti došli inspektori za strance. Sve navedene informacije kao i foto materijali dostavljeni su svim agencijama za sprovedbu zakona u Bosni i Hercegovini, koje su učestvovala u navedenim OA, kao i EU agencijama, međunarodnim i regionalnim organizacijama: **EUROPOL, FRONTEX, INTERPOL, UNODC, SELEC, sekretarijat PCC-SEE itd.**

Kada je u pitanju rješavanje statusnih pitanja stranih državljana procijenjenih kao prijetnja po nacionalnu sigurnost Bosne i Hercegovine, Služba za poslove sa strancima je od drugih nadležnih sigurnosnih institucija zaprimila informaciju za **65 sigurnosno interesantnih stranih državljana**. Od 65 sigurnosno interesantnih stranog državljanina, **Služba je tokom 2022. godine preduzimanjem radnji iz svojih nadležnosti i pojačanih aktivnosti**

kontrole kretanja i boravka stranaca u Bosni i Hercegovini, pronašla, procesuirala i izrekla mjere protjerivanja za 7 stranih državljana, koji predstavljaju prijetnju javnom poretku i sigurnosti Bosne i Hercegovine, dok se ostala lica nisu nalazila na teritoriju Bosne i Hercegovine. Podatke o svim licima koji predstavljaju prijetnju javnom poretku i sigurnosti Bosne i Hercegovine, Služba je evidentirala u bazu "ROS-a" kojoj pristup ima Granična policija Bosne i Hercegovine, te za one koji nisu na području Bosne i Hercegovine prilikom pokušaja njihovog ulaska u Bosnu i Hercegovinu istima će biti odbijen ulazak.

U evidenciju „ROS-a“, Služba je tokom ovog izvještajnog perioda izvršila unos 1.711 informacija za strane državljane, koje su od velikog značaja za njen rad, kao i za saradnju sa Graničnom policijom Bosne i Hercegovine i Ministarstvom inostranih poslova Bosne i Hercegovine. Prikupljene informacije u bazi ROS-a mogu uticati na rješavanje zahtjeva za ovjeru pozivnih pisama, izdavanje viza, prelazaka državne granice, odobravanja boravaka na teritoriju Bosne i Hercegovine, donošenje odluka po službenoj dužnosti, i rješavanja drugih statusnih pitanja stranih državljana. Bitno je naglasiti da je Služba kroz rad svojih službenika u nadzornom tijelu te sprovedbu strategija za borbu protiv terorizma i borbu protiv organizovanog kriminala, Operativnoj i udarnoj grupi za borbu protiv terorizma i Udarnoj grupi za borbu protiv trgovine ljudima, davala izuzetan doprinos u borbi protiv terorizma, ilegalnih migracija, trgovine ljudima, organizovanog kriminala, čime se daje značajan doprinos zaštiti sigurnosnog sistema Bosne i Hercegovine.

Služba je također kroz rad svojih službenika u Zajedničkom centru za analizu rizika i Koordinacionom tijelu, davala puni doprinos radu Zajedničkog centra za analizu rizika a samim time i Implementaciji „Strategije integrisanog upravljanja granicom Bosne i Hercegovine za period 2019 – 2023. godina“. Od strane Službe svakodnevno se prikupljaju podaci o preduzetim aktivnostima, mjerama i radnjama iz nadležnosti Službe, te izrađuje Bilten dnevnih događaja koji se razmjenjuje sa drugim sigurnosnim agencijama. Nadalje, tokom ovog izvještajnog perioda nastavljeno je učešće službenika Službe kao predstavnika u radu Radnih grupa „Strategije za borbu protiv organizovanog kriminala u Bosni i Hercegovini za period 2021.-2024. godine“, „Strategijom za prevenciju i borbu protiv terorizma za period 2021. - 2026. godine“, „Strategije u oblasti migracija i azila za period 2021. - 2025. godine“, „Strategije integrisanog upravljanja granicom za period 2019. - 2023. godine“ itd.

Konačno, Služba kontinuirano doprinosi razmjeni podataka sa FRONTEX-om putem sistema dostave podataka o migrantskim tokovima (od mjeseca novembra 2018. godine razmjena podataka ide putem web aplikacije JORA 2, izrađene od strane FRONTEX-a), mjesečnih statističkih izvještaja Graničnoj policiji Bosne i Hercegovine u cilju jačanja planiranja i provođenja nacionalnih i međunarodnih aktivnosti vezanih za borbu protiv nezakonitih migracija, krijumčarenja ljudi i drugih oblika organizovanog kriminala.

Prihvat, nadzor, smještaj i udaljenje stranaca

Sigurni sistem udaljenja stranaca iz zemlje ostvaren je kroz kadrovsku i tehničku uspostavu Sektora za redmisiju, prihvat i smještaj u smislu izgradnje pravnih i tehničkih kapaciteta za siguran postupak udaljenja stranaca koji nelegalno borave u zemlji, kao i kroz saradnju nadležnih institucija koje će nakon donesene odluke o udaljenju realizovati tu mjeru kroz obezbjeđenje potrebnih saglasnosti, putnih dokumenata i drugih tehničkih detalja za izlazak stranca iz zemlje. Kroz rad i postojeći kapacitet Imigracionog centra omogućavali smo da neregularni migranti kao i drugi stranci koji nakon odluke ne žele dobrovoljno napustiti zemlju, budu stavljeni pod nadzor u Imigracioni centar do njihovog konačnog udaljenja. Služba je omogućila da se boravak stranaca u Imigracionom centru odvija u skladu s propisanim pravilima o funkcionisanju Centra, kućnom redu, uz poštivanje dostojanstva ličnosti i uz poštivanje međunarodnih konvencija i propisa koji regulišu zaštitu ljudskih prava. Realizacija sporazuma o readmisiji i po tom osnovu prihvat stranaca u Bosni i Hercegovini pod uslovima koji su propisani pojedinim readmisijskim sporazumima, nakon čega smo osiguravali sigurno udaljenje takvih stranaca iz zemlje, u propisanoj proceduri.

1. Prihvat po osnovu Sporazuma o readmisiji

U periodu 01.01 do 31.12.2022. godine ukupno je prihvaćeno **838** stranih državljana od čega **40 mldb lica** i to **836** po osnovu Sporazuma između Vijeća ministara Bosne i Hercegovine i Vlade Republike Hrvatske o vraćanju i prihvaćanju lica čiji je ulazak i boravak nezakonit, te **2 lica** Sporazum o readmisiji između BiH i Crne Gore o vraćanju i prihvaćanju lica čiji je ulazak i boravak nezakonit.

2. Nadzor i smještaj

2.1. Stavljanje pod nadzor u Imigracioni centar

Tokom 2022. godine u Imigracioni centar Službe za poslove sa strancima prema knjizi evidencije prijema pod nadzor je stavljeno **714 lica od kojih 16 mldb. stranaca u pratnji**. U izvještajnom periodu ostvareno je ukupno **17.348 korisničkih dana** u Imigracionom centru.

2.2. Blaži oblik nadzora

Tokom ovog izvještajnog perioda iz od strane Terenskih centara, te iz Imigracionog centra na osnovu prijedloga Sektora za readmisiju prihvat i smještaj **465 lica** je stavljeno na blažu mjeru nadzora, smještajem u privremene prihvatne centre.

2.3 Smještaj u sigurne kuće potencijalnih žrtava trgovine ljudima

Tokom ovog izvještajnog perioda **1 strani državljanin** za koje je nadležni organ procijenio da se radi o „potencijalnoj žrtvi trgovine ljudima“ smještena je u sigurnu kuću „MEDICA“.

4. Udaljenje

Tokom ovog izvještajnog perioda ukupan broj lica koja su udaljena na osnovu provedenih procedura za pripremu i izvršenje udaljenja iz Bosne i Hercegovine u zemlje porijekla ili zemlju koja ih prihvata je ukupno **829 lica od čega 20 mldb. lica**.

4.1 Predaja po osnovu sporazuma o readmisiji

Nakon što je utvrđena obaveza prihvata od strane zemlje potpisnice Sporazuma o readmisiji za lica koja ilegalno borave na području druge države, u izvještajnom periodu ukupno je predato **103 stranih državljana od kojih je 11 mldb. lica** i to kako slijedi:

- ✓ **77 lica od kojih je 10 mldb lica** po osnovu Sporazuma između BiH i Srbije o vraćanju i prihvaćanju lica čiji je ulazak i boravak nezakonit.
- ✓ **26 lica od kojih j 1 mldb lice** po osnovu Sporazuma između BiH i Crne Gore o vraćanju i prihvaćanju lica čiji je ulazak i boravak nezakonit.

4.2 Dobrovoljni povratak koji realizuje Služba

Tokom ovog izvještajnog perioda za lica koja su bila stavljena pod nadzor, Služba je vršila dobrovoljni povratak za **561 lice od kojih 3 mldb. lica.**

4.3 Potpomognuti dobrovoljni povratak realizovan kroz projekat posebne namjene

U okviru Regionalnog projekta dobrovoljnog povratka i reintegracije AVRR koji implementira IOM, registrovano je i pružena pomoć za dobrovoljni povratak u zemlje porijekla za ukupno **128 lica.**

4.4 Repatrijacija žrtava trgovine ljudima

U ovom izvještajnom periodu Služba **je izvršila postupak repatrijacije potencijalnih žrtava trgovine ljudima za 7 mldb lica.**

4.5 Samostalni dobrovoljni povratak stranaca iz Bosne i Hercegovine

Tokom 2022. godine **1.752 stranih državljana**, kojima je izrečena mjera protjerivanja sa zabranom ulaska i boravka na teritoriju Bosne i Hercegovine ili je izdat nalog za dobrovoljno napuštanje, je samostalno dobrovoljno napustilo Bosnu i Hercegovinu.

4.6 Prisilno udaljenje

U ovom izvještajnom periodu Služba za poslove sa strancima je donijela **7 zaključaka** o dozvoli izvršenja rješenja o protjerivanju i tom prilikom je prisilno udaljeno **7 lica.**

4.7 Udaljenje stranih državljana nakon izdržavanja kazne zatvora u KPZ-ma

U ovom izvještajnom periodu nakon izdržane kazne zatvora iz kazneno popravnih zavoda - KPZ, preuzeta su **92 strana državljanina**, kojima su izrečene mjere protjerivanja i u pratnji službenika osiguranja Imigracionog centra sprovedena do granice, te udaljena sa teritorije Bosne i Hercegovine.

Budžet i kapitalna ulaganja

Prema Zakonu o budžetu institucija BiH i međunarodnih obaveza BiH za 2022. godinu Službi za poslove sa strancima su odobrena budžetska sredstva u iznosu od **10.275.000,00 KM** i kapitalni izdaci **317.000 KM.**

Na bazi realizacije rashoda za prvih jedanaest mjeseci 2022. godine, procjena je da će izvršenje budžeta za 2022. godinu biti **8.467.174,14 KM** ili **84%** od odobrenih sredstava i to:

1. tekući izdaci iznose **8.109.000,00 KM** ili **94%** od odobrenih sredstva za tekuće izdatke od čega:

- ✓ bruto plate i naknade u iznosu **6.188.374,00 KM** ili **95%** od odobrenih sredstava za ove namjene;
- ✓ naknade troškova zaposlenih **920.000,00 KM** ili **98%** od odobrenih sredstava za ove namjene i
- ✓ izdaci za materijal i usluge i ostalo **1.358.800, KM** ili **52%** od odobrenih sredstava za ove namjene.

U 2022. godine otvorena je jedan programa posebne namjene i to „Sporazum o partnerstvu između Službe za poslove sa strancima i UNHCR-a“.

Nakon uplate prve tranše u februaru 2022. godine od **94.428,80,00 KM**, Službi je uplaćena i druga tranša u novembru u iznosu od **50.120,81 KM** što je ukupno **144.549,61 KM**.

2. Donacije

U 2022. godini Služba za poslove sa strancima zaprimila je nenovčanih donacija za jačanje kapaciteta Službe u iznosu od **555.362,76 KM** i to:

- Donacija UNHCR PMV (Škoda Oktavia 2.0 TDI) iznos **59.153,01 KM**,
- Donacija IOM kompjuterska oprema (14 laptopa) iznos **1.400,00 KM**,
- Donacija UNHCR kompjuterska oprema (5 računara, 5 laptopa, 26 printera i 10 mobilnih telefona) iznos **26.775,00 KM**,
- Donacija UNHCR kompjuterska oprema (5 računara, 5 laptopa, 10 printera i 15 mobilnih telefona) iznos **32.639,55 KM**,
- Donacija IOM kompjuterska oprema (Server i sistem za registraciju i praćenje migranata nadogradnja sistema) iznos **434.346,20 KM**,
- Donacija UNDP kompjuterska oprema (1 laptop) iznos **1.049,00 KM**.

1. Javne nabavke

U toku 2022. godine Služba je u cjelosti realizovala planirane javne nabavke za tekuće izdatke (izdaci za robe i usluge). Također, Služba je realizovala dvije javne nabavke iz kapitalnih ulaganja. Ukupno je realizovano **32 (tridesetdva)** postupaka javnih nabavki od čega **11 (jedanaest)** otvorenih postupaka, **5 (pet)** po proceduri konkurentskog zahtjeva, **14 (četrnaest)** direktnih sporazuma i **2 (dva)** postupka provedena po Pravilniku Aneks II dio B.

Kadrovska popunjenost

Ukupan broj zaposlenih u Službi za poslove sa strancima na dan 01.01.2022. godine iznosio je **235**, a na dan 31.12.2022. godine broj uposlenih iznosi **226**. U toku 2022. godine zaposleno je **6 osoba**, ugovorom o radu na određeno vrijeme.

U skladu sa zaključkom sa 73. sjednice Vijeća ministara Bosne i Hercegovine održane 15.09.2016. godine, prezentiramo i podatke o ravnopravnosti polova zaključno sa 31.12.2022. godinom:

<i>Spol/Pozicija</i>	<i>Uposlenik/Zaposlenik /Namještenik</i>	<i>Stručni saradnik</i>	<i>Viši stručni saradnik</i>	<i>Stručni savjetnici</i>	<i>Šef odjela/odsjeaka</i>	<i>Rukovodeći državni službenici</i>	<i>Imenovana lica</i>
<i>Muški</i>	72	6	33	13	15	2	3
<i>Ženski</i>	33	8	30	8	3	0	0
<i>Muško/Žensk</i> <i>o</i>	105	14	63	21	18	2	3
TOTAL	226						

Tokom 2022. godine Služba je ostala bez **13 (trinaest) uposlenika**, od toga:

- ✓ **4 (četiri) državna službenika** su penzionisana;
- ✓ **1 (jedan) državni službenik** je na neplaćenom odsustvu po ličnom zahtjevu;
- ✓ **1 (jedan) zaposlenik/namještenika** na neplaćenom odsustvu po ličnom zahtjevu;
- ✓ **5 (pet) zaposlenik/namještenik** sporazumno raskinuo radni odnos i
- ✓ **2 (dva) zaposlenika** su sporazumno raskinuli radni odnos.

Zaključak

Kao i u prethodnim godinama prilikom izrade „Godišnjeg programa rada Službe za poslove sa strancima za 2022. godinu“ predvidjeli smo da bi na realizaciju planiranih aktivnosti mogao uticati trend povećanog priliva migranata u BiH koji je započeo u posljednjem kvartalu 2017. godine (311), nastavio se, te bio posebno naglašen u 2018. (23.902), 2019. (29.302), 2020. (16.190), 2021. (15.812) i u periodu od 01.01.2022. – 31.12.2022. godine (27.429) kada je predmetom rada Službe za poslove sa strancima bilo ukupno 112.946 stranih državljana. Iz naprijed navedenog može se uočiti trend pada vrijednosti u 2020. i 2021. godini u odnosu na 2018. i 2019. godinu, koji je prouzrokovan novonastalom epidemiološkom situacijom vezano za virus COVID-19 kako u BiH, tako i u Evropskom regionu. Na osnovu naprijed navedenog također je evidentno da tokom 2022. godine ponovno dolazi do povećanja vrijednosti koje se mogu dovesti u vezu sa ponovnim preusmjeravanjem migrantske rute preko BiH usljed pogoršanja sigurnosne situacije u Ukrajini, zloupotrebe bezviznog režima u regiji, koje je imao refleksije i na BiH (npr uvođenje bezviznog režima od strane R. Srbije državljanima Indije, Burundija, Kube, Kine, itd), što konsekvntno ima negativan uticaj i na planiranje/realizaciju postavljenih planova odnosno budžeta.

Nadalje, analizirajući raspoložive podatke također možemo zaključiti da su migrantski tokovi iz pravca Srbije i Crne Gore i dalje aktivni, te se u najvećem dijelu ove aktivnosti sprovode od istočne granice do Sarajeva i Istočnog Sarajeva (šire područje oko autobuske stanice i dr.) gdje se i kratko zadržavaju, te dalje odlaze na područja prema Banja Luci, Gradišci, Srbcu, Brod, Kostajnica i dr., kao i prema USK-a, tačnije na područje Bihaća i Velike Kladuše. Na ovim područjima se zadržavaju jedan određeni period dok ne uspiju preći u Hrvatsku i dalje prema Sloveniji, Italiji i drugim zemljama EU što im je i konačan cilj. Međutim, posljedice efektivnih mjera koje EU poduzima na svojim vanjskim granicama, kao i ciljane aktivnosti koje su preduzimale bosansko-hercegovačke institucije na područjima koja su bile u većoj mjeri pogođene migrantskom krizom, konsekvntno su dovele i do povećanog broja migranata koji su zatečeni i procesuirani od strane policijskih agencija Bosne i Hercegovine na područjima koje pripadaju terenskim centrima Banja Luka, Dobo, Tuzla, Mostar, Brčko, Ljubuški, Orašje.

Isto tako smatramo bitnim istaći da je i pored redovnih aktivnosti iz svoje nadležnosti (vođenje upravnih postupaka za strance; inpekcijski poslovi; praćenje, prikupljanje i obrada podataka kroz operativni rad i ostali poslovi propisani Zakonom o strancima) Služba bila zadužena za upravljanje, odnosno koordiniranje je sa uspostavljenim privremenim prihvatnim centrima na području KS i USK-a. U tom kontekstu Služba je u potpunosti zadržala diskurs odgovornosti i humanosti, ali je stavila fokus na zaštitu i sigurnost države, te se opredjelila za snažno razlikovanje izbjeglica od ekonomskih migranata.

Služba za poslove sa strancima se i tokom 2022. godine također susretala sa učestalim poteškoćama u saradnji sa diplomatsko konzularnim predstavništvima zemalja porijekla. Kao posljedica povećanog priliva migranata koji nezakonito ulaze i borave na državnom području BiH, značajno se povećao broj predmeta u kojima je potrebno provesti postupak utvrđivanja identiteta i državljanstva za nezakonite migrante, izraditi putni dokument u svrhu izvršenja izrečene mjere protjerivanja ili vođenja postupka pred nadležnim pravosudnim institucijama. Shodno naprijed navedenom, Služba za poslove sa strancima se i tokom 2022. godine, susrela sa učestalim poteškoćama u saradnji sa diplomatsko konzularnim predstavništvima zemalja porijekla. Naime, nerijetko su se mijenjale prakse i uslovi nadležnih ambasada u postupcima utvrđivanja identiteta što se ogleda i u broju utvrđenih identiteta.

Posmatrajući vrijednosti smještaja pod nadzor evidentno je da je fluktuacija lica unutar Imigracionog centra tokom izvještajnog perioda bila je uvećana, što je rezultiralo nedostatkom smještajnih kapaciteta u Imigracionom centru, što je za posljedicu imalo da su organizacione jedinice SPS-a vršeći redovne poslove i zadatke donosile rješenja o stavljanju pod nadzor ograničenjem kretanja na određenom područje ili mjesto uz obavezu javljanja nadležnoj organizacionoj jedinici.

Sve naprijed navedeno govori da je Služba i tokom 2022. godine bila suočena sa izazovima koje nosi migrantska kriza, a koji se prvenstveno odnosi na nedovoljni smještajni kapaciteti u Imigracionom centru, kao i potrebom za dodatnim ljudstvom i materijalno tehničkim sredstvima bitnim za upravljanje migrantskim talasom, te da je navedena činjenica u određenoj mjeri uticala na kontinuitet realizacije postavljene strateških okvira i ciljeva Službe.

Međutim, i pored svega naprijed navedenog Služba je zbog kadrovske nepopunjenosti među kojim se posebno ističu odlazak stručnih obučenih i sertifikovanih kadrova Službe, kao i zbog obimnosti i složenosti problema sa kojima se susretala tokom 2022. godine bila prinuđena da u situaciji povećanog pritiska neregularnih migranata vrši pregrupisanje snaga, pojačavajući žarišna područja, te postupajući u skladu sa temeljnim načelima migracione politike koja svoje polazište ima u Strategiji u oblasti migracija i azila, Zakonu o strancima i Zakonu o azilu i podzakonskim aktima.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1 Unapređenje sigurnosnog sektora u BiH sa aspekta odgovornosti i efikasnosti

Specifični cilj 1: Efikasan mehanizam upravljanja migracijama u BiH uz poštivanje slobode kretanja

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost (2021)	Ciljana vrijednost (2022)	Ostvarena vrijednost na kraju godine (2022)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1 Program: Kontrola kretanja i boravka stranaca, prihvata, smještaj i udaljenje stranaca											
1.1.1 Projekat: Zakonite migracije											
1.1.1.1 Aktivnosti u postupku obrade zahtjeva za ovjeru pozivnog pisma	TC i Sektor za operativnu podršku	Broj ovjerenih pozivnih pisama	1.100	1.200	4.721	Budžet	334.004	633.440	I-IV	I-IV	
1.1.1.2 Aktivnosti u postupku vršenja provjera po zahtjevima dipl. konz. predstavništva (DKP) kod izdavanja viza	Sektor za operativnu podršku i T.C.	Broj izvršenih provjera po zahtjevu DKP	14.000	15.000	22.097	Budžet	535.154	603.998	I-IV	I-IV	
1.1.1.3 Aktivnosti u postupku izdavanja saglasnosti za izdavanje viza tipa "D"	Sektor za operativnu podršku i T.C.	Broj izdatih saglasnosti za izdavanje viza tipa "D"	500	500	1.391	Budžet	312.464	247.146	I-IV	I-IV	
1.1.1.4 Aktivnosti u postupku obrade zahtjeva za odobrenje/produženje privremenog boravka	TC i Sektor za operativnu podršku	Broj odobrenih i produženih privremenih boravaka	7.500	8.000	11.188	Budžet	1.948.343	1.990.322	I-IV	I-IV	
1.1.1.5 Aktivnosti u postupku obrade zahtjeva za odobrenja stalnog boravka i izmjene rješenja stalnog boravka	TC i Sektor za operativnu podršku	Broj odobrenih stalnih boravaka i izmjena rješenja stalnog boravka	280	300	390	Budžet	272.764	69.038	I-IV	I-IV	
1.1.1.6 Aktivnosti u postupku izdavanja potvrda o prijavi rada	Terenski centri	Broj izdatih potvrda o prijavi rada	1.900	2.000	2.799	Budžet	464.183	362.508	I-IV	I-IV	

1.1.2 Projekat: Prevencija i borba protiv nezakonitih migracija											
1.1.2.1 Prevencija nezakonitih migracija kroz postupak ovjere pozivnih pisama	Terenski centri	Ukupan broj odbijenih pozivnih pisama	45	50	300	Budžet	6.147	21.882	I-IV	I-IV	
1.1.2.2 Prevencija nezakonitih migracija kroz postupak davanja saglasnosti za izdavanje viza tipa "D"	Sektor za operativnu podršku	Ukupan broj izdatih nesaglasnosti za vizu tipa "D"	5	10	22	Budžet	1.600	2.420	I-IV	I-IV	
1.1.2.3 Prevencija nezakonitih migracija kroz postupak izdavanja viza za ulazak i boravak na teritoriju BiH	Sektor za operativnu podršku i TC	Utvrđeni pokušaji zloupotrebe u postupcima izdavanja vize	70	80	351	Budžet	1.943	8.522	I-IV	I-IV	
1.1.2.4 Prevencija nezakonitih migracija kroz postupak vršenja sigurnosnih provjera	Sektor za operativnu podršku i TC	Ukupan broj izvršenih sigurnosnih provjera	1.450	1.500	3.062	Budžet	248.850	352.300	I-IV	I-IV	
1.1.2.5 Prevencija nezakonitih migracija kroz postupak regulisanja privremenog boravka	Sektor za operativnu podršku i TC	Broj odbijenih, odbačenih, obustavljenih i prekinutih zahtjeva u postupku odobrenja/produženja boravka	150	200	466	Budžet	32.704	59.143	I-IV	I-IV	
1.1.2.6 Prevencija nezakonitih migracija kroz postupak regulisanja stalnog boravka	Sektor za operativnu podršku i TC	Broj odbijenih stalnih boravaka	10	10	3	Budžet	1.700	510	I-IV	I-IV	
1.1.2.7 Aktivnosti u borbi protiv terorizma, trgovine ljudima i drugih oblika organizovanog kriminala kroz službenu saradnju sa drugim agencijama i	Sektor za operativnu podršku i TC	Broj prikupljenih operativnih saznanja, informacija, službena saradnja sa	13.000	13.500	25.847	Budžet	1.327.920	1.324.253	I-IV	I-IV	

organima		drugim agencijama, institucijama i organima (unosi u službene evidencije itd)									
1.1.2.8 Aktivnosti u postupku izricanja mjere stranim državljanima	Sektor za operativnu podršku i TC	Broj izrečenih mjera otkaza boravka (bezvizni, privremeni, stalni boravak, protjerivanje, otkaz boravka sa protjerivanjem)	1.050	1.100	2.224	Budžet	264.000	246.092	I-IV	I-IV	
1.1.2.9 Aktivnosti u postupku izdavanja naloga za dobrovoljno napuštanje teritorije BiH	Sektor za operativnu podršku i TC	Broj izdatih naloga za dobrovoljno napuštanje teritorije BiH	100	150	750	Budžet	208.800	66.900	I-IV	I-IV	
1.1.2.10 Aktivnosti u postupku izricanja prekršajnog naloga	Terenski centri	Broj izrečenih prekršajnih naloga	600	700	2.328	Budžet	84.581	124.737	I-IV	I-IV	
1.1.2.11. Aktivnosti u postupku izdavanja potvrda za iskazivanje namjere za podnošenje zahtjeva za azil	Terenski centri	Ukupan broj izdatih potvrda za iskazivanje namjere za podnošenje zahtjeva za azil	14.000	15.000	25.709	Budžet	738.900	740.214	I-IV	I-IV	
1.1.3 Projekat: Prihvat, smještaj i udaljenje stranaca											
	Sektor za readmisiju, prihvat i smještaj, I.C. i T.C.	Broj osoba smještenih pod nadzor u Imigracioni centar	500	600	714	Budžet	567.536	599.935	I-IV	I-IV	

1.1.3.1 Aktivnosti u postupku stavljanja stranca pod nadzor	Sektor za readmisiju, prihvati i smještaj, I.C. i T.C.	Ukupan broj korisničkih dana u Imigracionom centru	19.000	24.000	17.348	Budžet	2.362.684	2.333.111	I-IV	I-IV	
	Sektor za readmisiju, prihvati i smještaj i T.C	Broj lica koja su boravila u specijalizovanim ustanovama /Specijalizovana ustanova za prihvati – MFS “Emmaus”, Sigurna kuća “Medica” itd/	10	30	0	Budžet	2.160	-	I-IV	I-IV	Planirana vrijednost nije postignuta iz razloga što su tokom 2022. godine maloljetna lica smješšana su u PPC „Ušivak“ koji je namjenjen za smještaj ranjivih kategorija migranata.
1.1.3.2 Aktivnosti u postupku prihvata stranih državljana	Sektor za readmisiju, prihvati i smještaj i T.C.	Broj prihvaćenih stranih državljana po osnovu sporazuma o readmisiji	190	200	836	Budžet	9.868	133.910	I-IV	I-IV	
	Sektor za readmisiju, prihvati i smještaj i T.C	Broj stranih državljana prihvaćenih iz KPZ-a	10	15	92	Budžet	1.576	9.660	I-IV	I-IV	
1.1.3.3 Aktivnosti udaljenja stranih državljana	Sektor za readmisiju, prihvati i smještaj i T.C	Broj stranih državljana koji su predati po osnovu Sporazuma o readmisiji	190	200	103	Budžet	26.436	16.498	I-IV	I-IV	
	Sektor za readmisiju, prihvati i smještaj i T.C	Broj stranih državljana za koje je Služba vršila dobrovoljni povratak /Samostalni dobrovoljni	150	200	561	Budžet	17.036	47.785	I-IV	I-IV	

		povratak koji realizuje Služba/									
	Sektor za readmisiju, prihvati i smještaj i T.C	Broj stranih državljana za koje je Služba izvršila repatrijaciju	5	10	7	Budžet	600	420	I-IV	I-IV	
	Sektor za readmisiju, prihvati i smještaj i T.C	Broj stranih državljana koji su samostalno dobrovoljno napustili teritoriju BiH	1.000	1.500	1.752	Budžet	397.127	244.701	I-IV	I-IV	
	Sektor za readmisiju, prihvati i smještaj i T.C	Broj prisilno udaljenih stranih državljana sa teritorije BiH	0	2	7	Budžet	1.920	35.555	I-IV	I-IV	

III - IZVJEŠTAJ O IZRAĐENIM ZAKONIMA PLANIRANIM GODIŠNIM PROGRAMOM RADA SLUŽBE ZA POSLOVE SA STRANCIMA							
Opći cilj/principi razvoja: Upravljanje u funkciji rasta							
Strateški cilj: 14. Ubrzati proces tranzicije i izgradnja kapaciteta							
Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti							
Naziv zakona	Vrijeme provođenja		Status zakona zaključno sa 31.12.2022 godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvati, smještaj i udaljenje stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvati, smještaj i udaljenje stranaca							
Nije bilo planiranih	NE	NE	NE	NE	NE	NE	

IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti

Naziv podzakonskog akta	Vrijeme provođenja		Status podzakonskog akta zaključno sa 31.12.2022 godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvata, smještaja i udaljenja stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvata, smještaja i udaljenja stranaca							
Nije bilo planiranih	NE	NE	NE	NE	NE	NE	

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA

Opći cilj/principi razvoja: Upravljanje u funkciji rasta

Strateški cilj: 14. Ubrzati proces tranzicije i izgradnja kapaciteta

Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2022 godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Program: Kontrola kretanja i boravka stranaca, prihvata, smještaja i udaljenja stranaca							
1.1.1 Projekat: Zakonite migracije							
1.1.2 Projekat: Prevencija i borba protiv nezakonitih migracija							
1.1.3 Projekat: Prihvata, smještaja i udaljenja stranaca							
Nije bilo planiranih	NE	NE	NE	NE	NE	NE	

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA SLUŽBE ZA POSLOVE SA STRANCIMA				
Opći cilj/principi razvoja: Upravljanje u funkciji rasta				
Strateški cilj: 14. Ubrzati proces tranzicije i izgradnja kapaciteta				
Srednjoročni cilj: 14.1. Unapređenje sigurnosnog sektora u BiH sa aspekta odgovornosti i efikasnosti				
Specifični cilj: Efikasan mehanizam upravljanja migracijama u BiH uz poštivanje slobode kretanja				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Program: Kontrola kretanja i boravka stranaca, prihvata, smještaj i udaljenje stranaca				
1.1.1 Projekat: Zakonite migracije				
1.1.2 Projekat: Prevencija i borba protiv nezakonitih migracija				
1.1.3 Projekat: Prihvata, smještaj i udaljenje stranaca				
Nije bilo planiranih	NE	NE	NE	NE

VII- IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Tokom izrade Izvještaja o radu Službe za poslove sa strancima za 2022. godinu, vršene su konsultacije sa Ministarstvom sigurnosti BiH, Direkcijom za koordinaciju policijskih tijela BiH, Graničnom policijom BiH, Državnom agencijom za istrage i zaštitu, Agencijom za forenzička ispitivanja i vještačenja BiH, Agencijom za policijsku podršku BiH, Agencijom za školovanje i stručno usavršavanje kadrova i Ministarstvom finansija i trezora BiH. Konsultacije su se odnosile na formalni izgled Izvještaja, izbjegavanje preklapanja nadležnosti i usklađenost sa budžetskim okvirom. Izvještaj o radu Službe za poslove sa strancima bio je dostupan u periodu od 12.01.2023. godine do 27.01.2023. godine na web platformi eKonsultacije, a Izvještaj o provedenim konsultacijama nalazi se u prilogu.


DIREKTOR
Slobodan Ujić